

նեցուն ազատութիւն և բնակութիւն. այսինքն տունս և տեղս: Այլ և եկեղեցի ետ չինել գեղեցիկ և վայելուչ Հայ ազգին անուան վրայ, զի հաստատեսցին անդ յազգաց յազգս և որդեց որդիս: Այսքան առ այս. և Աստուծոյ մարդասիրին փառք յաւիտեան. ամէն:

1586. ԹՎ. ՌԼԵ. Դեկտ. ԺԵ օրն. Հրամանաւն ամենակալին Աստուծոյ բարեպաշտ Թագաւորն մեր Ստեփանոս՝ զոր Պաթօրիյ որջորջիւր, առ Աստուած փոխեցաւ. և մեծ սուգ և տարակուս եթող Նեմիչի աշխարհիս այս. քանզի էր աստուածապաշտ և ուղղափառ Աստուծոյ օրինաց. այլ և էր շնորհօքն Աստուծոյ զարդարեալ ամենայն առաքինութեամբ և կարողութեամբ. զի էր արդարադատ և իրաւարար, հեզ և իմաստուն և հանճարաշատ, և հսկայազօր, քաջասիրտ պատերազմաց և հմուտ կռիւյ. զոր քաջութիւն նորա ընդ ամենայն աշխարհն համբաւեալ էր. վասն որոյ ամենայն ոք որք հակառակ կային նմա՝ լքան ձեռքն նոցա, և ահ պատեաց, դողուն կալաւ զնոսա զամենեւեան: Զոր և փոքր ի շատէ կայ գրեալ ի այսմ թղթիս, թէ որպէս հնազանդեցոյց զՄոսքովի իշխանն, այսինքն զքնազ: Եւ Քրիստոսի մարդասիրին փառք՝ յազգս այսորիկ. ամէն:

1587. ԹՎ. ՌԼԶ. Մարտի ԺԲ. Մեծ հրաշք եղաւ, զի ոչ ոք ի մարդկանէ լուեալ էր կամ տեսեալ. և այն օրն Լաթինացոց ազգն զիւրեանց խոտորեալ զգատիկն առնէին. և արդ երկու օր և երկու գիշեր անչափ ձիւն իջաւ հողմախառն, որ զգրունս ծածկեաց, և ոչ ոք ի մարդկանէ կարէր ի տանէ կամ ի դրանէ ի դուրսն ելանել. և այս մեծ և յայտնի ցատուսն էր Աստուծոյ, վասն խոտոր գատիկ առնելոյ նոցա. զոր Աստուած վերջն ի բարին առնէ:

Դարձեալ ի սոյն ամին մեծ գետյարուց եղեւ ի Կամինիցս. զի տան օր քաղբին դուռն չփակեցին, վասն զի ջուրն խապախի միջով կու ընթանայր. բազում պակասութիւն քաղաքացոց (եղեւ), զի չորս շաբաթ առաջ զատիկն առին քան զայլ քրիստոնեայս:

1588. ԹՎ. ՌԼԵ. Նստաւ ի Թագաւորութիւն Զիկմունդ բարեպաշտ Թագաւոր մեր. քանզի այս Թագաւորն Զիկմունդ որդի էր Շվիցքի Թագաւորին, և էր ինքն դեռ եւս կենդանի գոլով. և էր այս երկրին ծեր Զիկմունդ Թագաւորն փեսայն. վասն որոյ կամէին զի այս երկրիս ժառանգութենէ լինէր Թագաւոր: Քանզի յորժամ վաղջանեցաւ քաջ և յաղթող բարեպաշտ Թագաւորն Ստեփանոս՝ աստի կենաց յանանց կեանս, որպէս կայ գրեալ վերադոյն ի մէջ այսմ թխտի, մնաց աշխարհս առանց Թագաւորութեան. վասն զի բարեպաշտ Թագաւորն Ստեփանոս անորդի մեռաւ, և ոչ եթող ժառանգ Թագաւորութեան. և վասն այս պատճառի՝ երկրի իշխանք տարակուսեցան և չիւարեցան, և մեծ տարակուս ընկաւ ի միջի նոցա. և բազում ազմուկ և խռովութիւն և արինհեղութիւն եղեւ. զի ոմանք իշխանաց և բազմուկ